

своему заступнику чудотворцу Николе и сродником своим Борису и Глебу. И просяше прощение у гроба отца своего великаго князя Ингоря³⁹ Святославича. И даде прощение, последнее целование княгине⁴⁰ своей и сродником своим, и прием благословение от епископа, и прощение от всего народу. Также и протчии князи, и бояре, и воеводы. И поидоша против нечестиваго царя Батыя и сретоша его близ предел земли Резанской. Егда же снитися обоим воинством, и уже им смешившимся, и начаша⁴¹ битися крепко и мужественно. И бысть сеча зла на мног час. Мечи свончаше,⁴² и от⁴³ оружнаго ломления, и вопля людскаго, и коннскаго уристания земли⁴⁴ ту потрястися.^a ⁴⁵ И многия сильныя⁴⁶ полки татарския смятошася. Царь же Батый, виде, что государство Резанския земли крепко и мужественно бьяшеся,⁴⁷ убояся вельми.⁴⁸ Да противу гневу божия кто постоит! Тако бо бьяшеся резанский боец — един бьется с пятью тысеци, а два со тмою.^б И много от полков Батыевых побили, и уже полк сановитых резанских воевод побиша, и сильных богатырей, и князя Давида Ингоровича Муромскаго⁴⁹ убили и иных князей. Благоверный же князь Юрь,^в виде, убиение брата своего и иных князей, и возопи в горести души своея, и рече к братьям своим. „О братия моя возлюбленная, и друзи мои прелюбезнии, и все воинство резанское, мужайтесь и крепитесь! Се бо брат наш Давид напредь нас чашу испил смертную за веру христианскую. Мы же тоже сотворим, да не возвратится от нас ни един вспять, но постражите⁵⁰ добре, да примете от владыки Христа неувядаемыя венцы“. И начаша битися прилежно, яко уже подивитися и смеситися всем полком Батыевым. А Батыева сила без числа суть. Сильны⁵¹ полки едва одолеша резанских вой. И тут убиен бысть благоверный князь Юрь Ингорович, и брат ево князь Глеб Ингорович Коломенский, и князь Всеволод Пронский, и многия князи местныя⁵² и воеводы крепкия, удалцы и резвцы и все воинство резанское: вси равно умроша, и едину чашу смертную пиша. Ни один от них возвратися вспять. Вси вкупе мертви лежаху. Сия убо вся наведе господь грех ради наших. А князя Олга Ингоровича⁵³ взяша жива^г ⁵⁴ изранена. Царь же виде Олга князя красна вельми,⁵⁵ и хотяше его извращевати от великих ран, и на свою прелесть возвратити. Князь Олег⁵⁶ Ингорович укори царя Батыя и рече ему: „О безбожный враг христианский!“⁵⁷ Он же окаянный царь Батый дохнув от мерскаго⁵⁸ своего сердца и повеле князя Олга на части ножи раздробити. Сий бо сотворися страстоносник новый Стефан, прия венец своего страдания от подвигоположника своего Спаса Христа. Царь же Батый, видяше толико полков

^a В рук.: потрястися.

^б В рук. исправлено из твою.

^в В рук. вписано наверху.

^г В рук. последние два слова зачеркнуты и сверху надписано: едва поимаша.

³⁹Ингора. ⁴⁰княгине. ⁴¹начаше. ⁴²звончаше. ⁴³нет. ⁴⁴земля. ⁴⁵потрясся. ⁴⁶сильныя. ⁴⁷бияшеся. ⁴⁸вельми. ⁴⁹Муромскаго. ⁵⁰постраждите. ⁵¹сильные, ⁵²местныя. ⁵³—⁵⁴едва поимаша. ⁵⁵вельми. ⁵⁶Ольг. ⁵⁷христианский. ⁵⁸мерскаго.